


觀音 音 籤

● 觀世音菩薩感應靈課 ●





二十三 應眾眾無畏念空過菩薩常隨

靈巖山上西施洞確是越王

曾警身真老嫫名不相應改革

必需畫觀音癸未三月十三日同人伴下
口持名將畫人觀聖容現先小後大白毫
分小納大中等橢圓加上五官循石紋次
寫聖體及鰲魚乃知筆到石天成法相白
毫隨筆隱莊嚴似久示悲心將成日筆先
作揖次來頂禮盡遊人門前天生石拜墊
同時禮拜容三人頃刻遍傳山上下眾僧
頂禮最虔誠人後到此不枉遊勝因得福
不可明此是畫者親身遇緣毫不假上所
云感應課用作鐵書當然更驗須誠



觀音籤

觀世音菩薩感應靈課

目次

觀音靈感課占卜銅錢製作及使用方法	二
印光大師法語	四
觀世音菩薩三十二感應課	五
觀世音菩薩感應靈課製版流通緣起	六
觀世音菩薩感應靈課	一〇
附錄：陳希夷心相篇	七四

觀音靈感課占卜銅錢製作及使用方法

一、準備五個一塊錢硬幣，以一面代表金、木、水、火、土，另一面代表空白，取任何一面均可。（如以人像代表金、木、水、火、土，反面則代表空白。）

使用時硬幣放手中搖數下，至心念觀音聖號若干聲，心中默念所問之事，再將硬幣搖數下，擲於桌上，令其散開，依高低順序分為金、木、水、火、土，最高代表金，其次者木、水、火、土（代表空白那一面亦照此順序）。

二、用紅紙貼硬幣上，將旁邊修剪整齊，上面寫金、木、水、火、土，占卜方法如上，以現出的字為順序，不以高低為順序，也是以金、木、水、火、土來排列。

◎以上方法任選一種均可。

印光大師法語

觀世音菩薩。愍念眾生尋聲救苦。凡作善事。懇求菩薩。必垂加被。令其得成。若作惡事。亦垂加被。令決不成。以成則造罪墮苦。其苦難救矣。此菩薩之真慈大悲也。欲決疑者。若原供有菩薩像。則於像前焚香禮拜。若無則即向此課本焚香禮拜。取五淨錢在香煙上熏過。心中默禱所問之事。按下所列之偈并念菩薩若干聲。將錢在手中搖幾搖。令其次序散亂。然後擲於桌上。按次查是幾字幾幕。照課本查是何卦。即得其所示

之兆云。

觀世音菩薩三十二感應課偈

昔日唐三藏詣西天取經。值觀世音菩薩曰。汝往西天求教。道途兇惡。緣汝能辨。吾助汝三十二感應靈通之卦。日傳一課。便見當日前途吉凶。禍福無不應者。欲叩焚香祝禱。用淨錢五文於香煙上度過。手內擎搖禱祝偈曰。

紫金化身千百億 白衣妙相三十二
稽首圓通自在尊 沙界咸稱大悲主

南無大慈大悲靈感觀世音菩薩摩訶薩

至心念七遍。或三七遍。或一百八遍。叩而念。願賜證明。今虔祈禱。弟子某某所求某事。未決憂疑。卽於三十二課內欲占一課。勿順人情。願垂感應。

觀世音菩薩感應靈課製版流通緣起

昔明宮后。每齋沐焚香。捧誦

觀世音菩薩靈課。時為社稷卜歲豐。祈太平。屢屢感應。遂命付梓印施百卷。以便臣民決疑。令預趨吉避

凶。闡明法寶。慈澤後人。意願宮闈清吉，海宇昇平。雨露均調。仁風休作。願我

菩薩靈課。啟發愚蒙。格佑為善。苟瀆慢而不敬者。占之反至尤焉。時萬曆壬辰正月十五日。刻於大乘禪寺。計板二十二塊。請京都衍法寺流行天下。

民國二十年間。徐積餘居士得前明古本。印施千卷。三十五年七月。比丘尼隆志。得徐本相示。為其手錄並改良圖畫。獻之蘇州靈巖山寺妙真方丈。請求製版流通。兼作靈巖山觀音洞籤書之用。爰作讚偈曰。

靈巖觀音洞 妙相親身化

圖成垂觀瞻 白毫悲心挂

諸惡不可作 眾善時加護

心念不空過 能滅諸有苦

無錫弟子王德超敬撰

附勸諸仁者。此書觀音像四周。及觀音洞四周。所有圓圈。能加誦聖號。一千聲一點。或一萬聲一點。愈多愈好。則臨急占課。感應尤妙。

萬法皆空

因果不空

淨空



第一



昇進卦 上上

彩鳳臨丹闕。靈龜降吉祥。

禍除福祿至。喜氣自洋洋。

此卦求財大吉。正宜出入歡娛。官詞口舌并消除。
病人起離床席。求官目下成就。行人早晚還歸。
禍除災散福盈餘。最喜高明富貴。

觀音籤

觀世音菩薩感應靈課



第二



從革卦 上上

舊跡宜更改。新事好進程。

龍門魚化躍。凡骨作神靈。

此卦求財大利。謀望定有歸期。病人痊癒離床席。
凡事經營有理。行人還家立事。在外必有食衣。
春來花發更何疑。幹事百無阻滯。

觀音籤

觀世音菩薩感應靈課



第三



曲直卦 中平

動用因風便。 求財可託人。

喜逢戊己日。 幹事得完成。

此卦求財微細。病人不保朝夕。行人出外定延遲。
官事經營無理。所求不得成就。謀望難稱心機。
時來雨霽自光輝。佇看先憂後喜。

觀音籤

觀世音菩薩感應靈課



第四



潤下卦 中上

船泛江湖內。難求獲寶珠。

更宜進大用。福至禍災除。


此卦心憂頓解。所求百事不成。只宜進步獲康寧。

投託高人有慶。恰似寒爐發焰。猶如枯木逢春。

更宜雨過散浮雲。放出一輪明鏡。

觀音籤

觀世音菩薩感應靈課



第五



炎火卦 中平

凶卦按南方。 烈火不可當。

爭訟文書滯。 時間有小殃。

此卦多懷恐懼。常常猶豫心頭。進之有喜退之憂。目下且宜守舊。苑內有花凋謝。黃菊直至新秋。時來運至莫懷愁。不久自然成就。

觀音籤

觀世音菩薩感應靈課



第六



稼穡卦 中平

戊己本居中。先憂後喜逢。

夫子值陳厄。目下不和通。

此卦凡事阻礙。先須破散錢財。行人在外未迴來。病者難得痊癒。所求未獲成就。莫憂運拙時乖。切須謹慎目前災。向後永無禍害。

觀音籤

觀世音菩薩感應靈課



第七



進遠卦 上上

門戶興安泰。 錢財漸漸昌。

進身求望吉。 疾病得安康。

此卦求財遂意。所幹宜用庚申。行人在外獲珍珍。
病來百無所損。官事口舌有理。最喜成就婚姻。
高人一見便歡欣。福祿重重有準。

觀音籤

觀世音菩薩感應靈課



第八



得助卦 上上

所幹蒙天祐。門招百福臻。

貴人相助力。獲福盡歡欣。

此卦辛入癸水。陰中貴人扶持。求官定著紫羅衣。
行人出外獲利。爐內明焚香火。空中暗助神祇。
子孫團聚盡欣嬉。所求遂心如意。

觀音籤

觀世音菩薩感應靈課



第九



獲安卦 中上

目下如冬樹。 枯衰未放花。

看看春色動。 一發盡生芽。

此卦心多猶豫。先憂後喜無疑。行人在外錦衣歸。
疾病淹纏遲滯。婚姻和合榮顯。官事豈有參差。
恰如花柳鬪芳菲。目下與人和氣。

觀音籤

觀世音菩薩感應靈課



第十



隨心卦 上上

春日融和氣。衰殘物再興。

更逢微細雨。德澤又還生。

此卦求財吉利。行人衣錦還家。婚姻和合并無差。
口舌是非都罷。一旦加官進祿。稱心富貴榮華。
今生再種福田芽。來世堆金無價。

觀音籤

觀世音菩薩感應靈課



第十一



百達卦 上上


災散禍門閉。喜慶福門開。

目前相逢處。須當得橫財。

此卦上和下睦。自然喜慶無憂。更宜四遠把財求。
名利隨心成就。早苗忽逢甘雨。順風好駕孤舟。
一江春水向東流。百事安然無咎。

觀音籤

觀世音菩薩感應靈課



第十二



安吉卦 上上

進用多隨意。寒儒衣錦歸。

前程春風霽。散步賞芳菲。

此卦進用吉兆。唯宜拜相封侯。貴人接引上高樓。
合得金章紫綬。財利求來百倍。行人稱意無憂。
一輪明月正當秋。照徹乾坤宇宙。

觀音籤

觀世音菩薩感應靈課



第十三



舉進卦 下下

水中現明月。見影不見形。

錢財多失散。謹慎得安寧。

此卦申剋戊巳。幹事堪歎難成。敗財損物失人情。
莫與小人爭競。萬事不宜守舊。動進方有期程。
好將香火供神靈。可保時中吉慶。

觀音籤

觀世音菩薩感應靈課



第十四



安靜卦 中平

動用不安寧。經營事不成。

退身方可吉。守分禍潛形。

此卦只宜守舊。迴避不可張羅。謹身節用得安和。隨分隨緣且過。若要堆金積玉。恰如一枕南柯。好從靜處念彌陀。禳度解除災禍。

觀音籤

觀世音菩薩感應靈課



第十五



阻隔卦 下下

衰木逢春少。孤舟遇大風。

動身無所托。百事不亨通。

此卦繁興阻隔。謀望不遂心頭。只宜守舊在林丘。
愁慮更逢多咎。莫望加官進祿。休思寶馬輕裘。
但行平等莫剛求。禱祈神天護祐。

觀音籤

觀世音菩薩感應靈課



第十六



消厄卦 上上

日出照四海。 光輝天下明。

進身和合吉。 百事自然成。

此卦丙己無戰。自然百事安康。不宜守舊進前昌。
行人在外無障。爭訟官詞有理。求財遂意禎祥。
看經念佛保安康。滾滾公侯榮望。

觀音籤

觀世音菩薩感應靈課



第十七



至喜卦 中上

病散身安泰。官事只可和。

前程宜守舊。災禍自消磨。

此卦剛柔之兆。凡事只可諧和。伏低做小莫爭他。忍者消除災禍。君子時乖運拙。小人得逞儂羅。黃花直至正秋過。自有清香遠播。

觀音籤

觀世音菩薩感應靈課



第十八



猶豫卦 下下

此卦恍惚多。財帛暗消磨。

婚姻反成害。人事不諧和。

此卦凡事不遂。經營未決憂愁。受恩深處返為仇。提防小人爭鬪。口舌切須謹慎。利名莫苦貪求。秋來雨過五雲收。明月光輝宇宙。

觀音籤

觀世音菩薩感應靈課



四五

第十九



豐稔卦 上上

豐富時時進。 錢財格格高。

松筠欺雪露。 蘭檜出蓬蒿。

此卦三星將濟。年豐物富家豪。凡當謀望轉增高。
出外行人即到。疾病不醫自好。是非口舌潛消。
若能念佛不辭勞。象簡烏靴紗帽。

觀音籤

觀世音菩薩感應靈課



第二十



得祿卦 上上

高明居祿位。 籠禽得放生。

動容招財寶。 更宜向遠行。

此卦只宜升進。不可守舊延遲。命中合著紫羅衣。

遠投高人有喜。求財隨心滿願。幹事莫得狐疑。

謝天謝地謝神祇。孚祐重重喜氣。

觀音籤

觀世音菩薩感應靈課



第二十一



福祿卦 上上

福祿得高強。 聲名自進昌。

遂心獲大吉。 萬里好風光。

此卦進用之兆。禍退福至無涯。求財稱意恣奢華。
錦繡雕鞍駿馬。所望無不從願。行人衣錦還家。
三十二卦最為誇。福祿增崇者也。

觀音籤

觀世音菩薩感應靈課



第二十二



明顯卦 上上


明月正當天。清光午夜圓。

纖毫雲翳息。萬里得凝然。

此卦先前暗昧。于今皆已分明。求財幹辦好經營。
下水張帆風正。官事口舌消滅。病人漸得身輕。
爐香爇處紫煙生。眷屬安然吉慶。

觀音籤

觀世音菩薩感應靈課



第二十三



凝滯卦 下下

羸馬登途遠。 饑人去路長。

進身皆不吉。 凡事可消詳。

此卦阻隔之兆。凡事所幹遲延。不宜出外離家緣。欲要求財難見。口舌翻成官事。提防疾病牽纏。若求安穩免災愆。預告神靈方便。

觀音籤

觀世音菩薩感應靈課



五五

第二十四



榮顯卦 上上

三家俱養性。始元得共生。

果隨心造化。萬事自然成。

此卦榮旺之兆。行藏進用堪為。所求之事應心機。成就萬無一失。病者即時痊癒。官詞勿慮無疑。求財謀望最堪宜。動止施為亨利。

觀音籤

觀世音菩薩感應靈課



五七

第二十五



福厚卦 上上

離別重相見。 不知事盡通。

所求皆遂意。 身樂得從容。

此卦相生之兆。凡為喜慶無虞。安然快樂自寬舒。
和合賞心絕慮。買賣經營無阻。是非口舌消除。
行人出外數年餘。今日歡迎會聚。

觀音籤

觀世音菩薩感應靈課



第二十六



永成卦 上上

年來少災害。 先祖積陰_卍鷲。

若言幹辦事。 皇天相助力。

此卦一切成就。更堪百事亨通。家門興旺永無窮。
抱德正宜進用。行人不久當至。病人體態窮通。
是非口舌盡消鎔。禍去福來遠永。

觀音籤

觀世音菩薩感應靈課



第二十七



歲稔卦 上上

霖雨禾苗潤。何愁不廣收。

隨心得所以。無喜亦無憂。

此卦猶如冬樹。看看際遇新春。枯枝得雨再芳芬。
群卉悉皆萌潤。九橫三災殄散。百非萬禍離門。
榮華富貴恣歡欣。絕勝增奇利順。

觀音籤

觀世音菩薩感應靈課



第二十八



開發卦 上上

蚌中珠自現。石內玉爭妍。

進身求望吉。凡庶作神仙。

此卦諧和之兆。命中祿位遷高。烏靴象簡紫羅袍。
寶馬金鎗夾道。占病早獲痊癒。求財即得豐饒。
修心念佛志堅高。散慮逍遙絕惱。

觀音籤

觀世音菩薩感應靈課



第二十九



天祿卦 上上


征戰逢威力。 旌旗引駕歸。

功成名位就。 門戶見光輝。

此卦凡事大吉。命中天祿乘除。動容喜得貴人扶。
官位聲名高舉。福至重重有據。災消寂寂無餘。
身安心樂且寬舒。積玉堆金滿庫。

觀音籤

觀世音菩薩感應靈課



六七

第三十



後喜卦 中平


離水得到岸。 過橋獲度安。

重重憂險阻。 蕩蕩自心寬。

此卦心懷憂慮。 所求未得自然。 求官進用望高遷。
不見隨心滿願。 自覺重重有阻。 誰知漸漸當權。
佇看錦色耀重添。 官祿增崇榮顯。

觀音籤

觀世音菩薩感應靈課



第三十一



遲滯卦 下下

迢迢途路遠。 看看日墜山。

憂心無可託。 所作事艱難。

此卦凡事遲滯。猶如車陷淤泥。程遙路遠日沉西。
無託無依無濟。投託少逢相識。求財不見毫釐。
不如聞早念阿彌。自有神天孚庇。

觀音籤

觀世音菩薩感應靈課



第三十二



絕跡卦 下下

塵暗秦時鏡。 珉含卞氏瓊。

如屈石窟內。 何日見光明。

此卦憂疑之兆。所為暗昧不明。只宜守舊不宜行。口舌是非災病。一切所求不遂。百般謀望難成。不如向善早看經。免致磨磚作鏡。

觀音籤

觀世音菩薩感應靈課



陳希夷心相編

先生名搏·宋初隱士·

弘謀按相者之術，於眉睫方寸之間，以徵畢生之休咎。其說有時而中。此不盡關乎術數也。形神本不相離，未有有諸內而不形諸外者。茲以心相名編。謂相從心生。心有善惡，有厚薄，而相之休咎繫焉。有不啻影之隨形，聲之應響者矣。推而廣之，經所云惠迪吉，從逆凶。傳所云德潤身，心廣體胖。又云善必先知，不善必先知之。朱子釋之，以為如執玉高卑。其容俯仰之類。孟子所云胸中正，則眸子瞭焉。胸中不

正，則眸子眊焉。皆以心為相之義也。是理也，非術也，范太傅質，自從仕，未嘗廢學。曰，昔有異人言，吾他日必當大任。苟如其言，無學術，何以當之。此因相而返觀內照，欲求建立，以不負乎相也。有人相呂新吾，指面上部位多貴。先生云，所憂不在此也。汝相予一心，要包藏得天下理。相予兩肩，要擔得天下事。相予兩腳，要踏得萬事定。不然，予方有愧於面也。此則直以心為相，不任術，而任理者也。余嘗慨世之離心以求相者，相云吉，則深以

為喜，生冀倖心。相云凶，則抑鬱無聊，生退悔心。相之有損無益也。久矣。喜茲編足以破世人之愚惑，而有助於勸戒也。故錄而敘論之。人誠深明乎此，可以相人。可以為人相。可以自相。而且不妨於隨時隨事，皆作相者觀。即以此為省己觀人之則可也。

心者貌之根，審心而善惡自見。行者心之發，觀行而禍福可知。

出納不公平，難得兒孫長育。語言多反覆，應知心腹無依。

消沮閉藏，必是姦貪之輩。
披肝露膽，決為英傑之人。
心和氣平，可卜孫榮兼子貴。
才偏性執，不遭大禍必奇窮。
轉眼無情，貧寒天促。
時談念舊，富貴期頤。
重富欺貧，焉可託妻寄子。
敬老慈幼，必然裕後光前。
輕口出違言，壽元短折。

忘恩思小怨，科第難成。

小富小貴易盈，刑災准有。

大富大貴不動，厚福無疆。

欺蔽陰私，縱有榮華兒不享。

公平正直，雖無子息死為神。

開口說輕生，臨大節，決然規避。

逢人稱知己，即深交，究竟平常。

處大事，不辭勞怨，堪為梁棟之材。

遇小故，輒避嫌疑，豈是腹心之寄。

與物難堪，不測亡身還害子。

待人有地，無端得福更延年。

迷花戀酒，閨中妻妾參商。

利己損人，膝下兒孫悖逆。

賤買田園，決生敗子。

尊崇師傅，定產賢郎。

愚魯人，說話尖酸刻薄，既貧窮，必損壽元。

聰明子，語言木訥優容，享安康，且膺封誥。

患難中能守者，若讀書，可作朝廷柱石之臣。

安樂中若忘者，縱低才，豈非金榜青雲之客。

鄙吝勤勞，亦有大富小康之別，宜觀其量。

奢侈靡麗，寧無奇人浪子之分，必視其才。

弗以見小為守成，惹禍破家難免。

莫認惜福為慳吝，輕財仗義儘多。

處事遲而不急，大器晚成。

見機決而能藏，高才早發。

有能吝教，已無成，子亦無成。

見過隱規，身可託，家亦可託。

知足與自滿不同，一則矜而受災，一則謙而獲福。
大才與見才自別，一則誕而多敗，一則實而有成。
伎求念勝，圖名利，到底遜人。
惻隱心多，遇艱難，中途獲救。
不分德怨，料難至乎遐年。
較量錙銖，豈足期乎大受。
過剛者圖謀易就，災傷豈保全無。
太柔者作事難成，平福亦能安受。
樂處生悲，一生辛苦。

怒時反笑，至老姦邪。

好矜己善，弗再望乎功名。

樂摘人非，最足傷乎性命。

責人重而責己輕，弗與同謀共事。

功歸人而過歸己，儘堪救患扶災。

處家孝弟無虧，簪纓奕世。

與世吉凶同患，血食千年。

曲意周全知有後。

任情激搏必凶亡。

易變臉，薄福之人奚較。

耐久朋，能容之士可宗。

好與人爭，滋培淺而前程有限。

必求自反，蓄積厚而事業能伸。

少年飛揚浮動，顏子之限難過。

壯歲冒昧昏迷，不惑之期怎免。

喜怒不擇輕重，一事無成。

笑罵不審是非，知交斷絕。

濟急拯危，亦有時乎貧乏，福自天來。

解紛排難，恐亦涉乎囹圄，名揚海內。

餓死豈在紋描，拋衣撒飯。

瘟亡不由運數，罵地咒天。

甘受人欺，有子忽然大發。

常思退步，一身終得安閒。

舉止不失其常，非貴亦須大富，壽可知矣。

喜怒不形於色，成名還立大功，奸亦右之。

無事失措倉皇，光如閃電。

有難怡然不動，安若泰山。

積功累仁，百年必報。

大出小入，數世其昌。

人事可憑。

天道不爽。

如何飡刀飲劍。君子剛愎自用，小人行險僥倖。

如何投河自縊。男人才短蹈危，女子氣盛見逼。

如何短折亡身。出薄言，做薄事，存薄心，種種皆薄。

如何凶災惡死。多陰毒，積陰私，有陰行，事事皆陰。

如何暴疾而歿。色慾空虛。

如何毒瘡而終。肥甘凝膩。
如何老後無嗣。性情孤潔。
如何盛年喪子。心地欺瞞。
如何多遭火盜。刻剝民財。
如何時犯官符。調停失當。
何知端揆首輔。常懷濟物之心。
何知拜將封侯。獨挾蓋世之氣。
何知玉堂金馬。動容清麗。
何知建牙擁節。氣慨凌霄。

何知丞簿下吏。量平膽薄。

何知明經教職。志近行拘。

何知苗而不秀。非惟愚蠢更荒唐。

何知秀而不實。蓋謂自賢兼短行。

若論婦人，先須靜默。

從來淑女，不貴才能。

有威嚴，當膺一品之封。

少修飾，准掌萬金之重。

多言好勝，縱然有嗣必傷身。

盡孝兼慈，不特助夫還旺子。
貧苦中毫無怨詈，兩國褒封。
富貴時常惜衣糧，滿堂榮慶。
奴婢成羣，定是寬宏待下。
貲財盈篋，決然勤儉持家。
悍婦多因性妒，老後無歸。
奚婆定是情乖，少年浪走。
為甚欺夫，顯然淫行。
緣何無子，暗裏傷人。

合觀前論，歷試無差。

勉教後來，猶期善變。

信乎骨格步位，相輔而行。

允矣血氣精神，由之而顯。

知其善而守之，錦上添花。

知其惡而弗為，禍轉為福。

聲明啓事

淨空法師所有一切著述、錄音帶、錄影帶、光碟雷射等出版物，暨四眾同修整理文物書刊，公開授權大眾翻印流通、播放，但不得擅自加註版權所有，任意增減內容，非法牟利，侵害公眾權益及原著本意。如有故違，將予查究，特此聲明。

普為出資及讀誦受持輾轉流通者迴向偈曰

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

This book is for free distribution. It is not for sale. Printed in Taiwan.

公元二〇一二年三月 恭印壹萬冊

觀音籤

— 觀世音菩薩感應靈課

出版者：華藏淨宗弘化基金會

地址：台北市大安區信義路四段三四一號五樓

電話：（〇二）二七五四—七一七八

傳真：（〇二）二七〇三—九五一三

劃撥帳號：五〇〇七一七二五

戶名：財團法人華藏淨宗弘化基金會

E-mail：hwadzan@hwadzan.tw（請法寶專用）

www.amtb.tw

www.amtb.cn

www.chinkung.org

www.hwadzan.tw

承印者：和裕出版社（〇六）二四五四〇二三—七

南無大慈大悲觀世音菩薩
要好好修行 要依法不依人
要看好樣 不看壞樣
要好好聽經聞法
要認真的修行 不要放逸
克服災難 深信佛言
境隨心轉 一切法從心想生
斷一切惡 修一切善



華藏淨宗學會

THE CORPORATION

REPUBLIC OF HWA DZAN SOCIETY

本會一切法寶，免費結緣，禁止販售，請勿篡改內容，歡迎翻印流通。

This book is for free distribution. It is not for sale.

Printed in Taiwan